

# ადამიანური კაპიტალის არსი და როლი წარმოების ეფექტიანობის ამაღლებაში

DOI - 10.36962/ecs104/10-12/2021-29

ნატო ჩიკვილაძე  
სტუ-ს პროფესორი  
n. chikviladze@gtu. ge

## რეზიუმე

განხილულია ადამიანური კაპიტალის კონცეფცია, მისი სტრუქტურული ელემენტები სხვადასხვა ავტორების თვალსაზრისით. ავტორმა შეისწავლა ადამიანური კაპიტალის დამახასიათებელი ნიშნები, რომლებიც მას განასხვავებს სხვა კაპიტალისგან. გამოკვლულია ორგანიზაციის ადამიანური კაპიტალის თავისებურებები, შეფასების მეთოდები, განსაზღვრა ადამიანური კაპიტალის როლი ორგანიზაციის ეფექტიანობის გაუმჯობესებაში. გაკეთებულია დასკვნა, რომ ადამიანური კაპიტალის მართვის ეფექტიანობა დამოკიდებულია სამუშაო რესურსების მობილურობაზე. წარმოადგენილია ორგანიზაციის ადამიანური კაპიტალის მართვის ავტორისეული მოდელი.

**საკვანძო სიტყვები:** ადამიანური კაპიტალი, ორგანიზაცია, ეფექტიანობა, ფორმირება, მართვა, სისტემა.

## ძირითადი ტექსტი

ეკონომიკურ და სოციალურ მეცნიერებებში პირველი ადგილი ყოველთვის ადამიანურ კაპიტალს უკავია, რომლის შემოქმედებით თვისებებს, შესაძლებლობებს, ძლიერ მხარეებს შეუძლია გააუმჯობესოს საკუთარი პიროვნება და მის გარშემო არსებული სამყარო. ეს გამოწვეულია დაჩქარებული წარმოების მატერიალური და ტექნიკური ბაზის განვითარებით, რაც ასოცირდება ინდუსტრიულ რევოლუციასთან. ამ ყველაფერმა დაჩქარა ადამიანის განვითარების პრობლემები და მისი პროდუქტიულობის შესაძლებლობები. ყოველივე ამის შედეგად,

მრავალი წლის განმავლობაში მწარმოებელი ადამიანის შესაძლებლობები განიხილებოდა, როგორც წარმოების ერთ-ერთი რაოდენობრივი ფაქტორი. ამავე დროს მთავარი ამოცანა იყო მხოლოდ შრომის, საბრუნავი კაპიტალის და ძირითადი საშუალებების ხარისხობრივი შერწყმა.

ადამიანური კაპიტალის იდეას დიდი ხნის ფესვები აქვს ეკონომიკური აზროვნების ისტორიაში. მისი ერთ-ერთი ფორმულირება გვხვდება უილიამ პეტის “პოლიტიკურ არითმეტიკაში”. მოგვიანებით იგი აისახა ადამ სმიტის ნაშრომში „გამოკვლევები ხალხთა სიმდიდრის ბუნებისა და მიზეზების შესახებ“, ალფრედ მარშალის „ეკონომიკისის პრინციპებში“ და სხვა მრავალი მეცნიერის შრომებში. თუმცა როგორც ეკონომიკური ანალიზის დამოუკიდებელი ნაწილი, ადამიანური კაპიტალის თეორია ჩამოყალიბდა მე-20 საუკუნის 50-60 -იანი წლების მიჯნაზე.

თვით ტერმინი „ადამიანური კაპიტალი“ პირველად გაჩნდა ეკონომისტის, თეოდორ შულცის შრომებში, რომელსაც 1979 წელს მიენიჭა ნობელის პრემია. მან შემოგვთავაზა განმარტება-“ადამიანის ყველა უნარი ან თანდაყოლილია ან შეძენილი. თითოეული ადამიანი იბადება გენების ინდივიდუალური კომპლექსით, რაც განსაზღვრავს მის თანდაყოლილ შესაძლებლობებს. ადამიანის მიერ შეძენილ ღირებულ თვისებებს, რომელთა გაზრდა შესაძლებელია შესაბამისი ინვესტიციებით, ჩვენ ადამიანურ კაპიტალს ვუწოდებთ.“ თავის შრომებში თ. შულცი დაინტერესებული იყო განვითარებად ქვეყნებში რთული ვითარებით და წამოაყენა ვერსია, რომ ღარიბი ხალხის კეთილდღეობის გაუმჯობესება უფრო მეტად ცოდნაზე იყო დამოკიდებული. ადამიანური კაპიტალის საკითხის წინა პლანზე წამოწევა თ. შულცის დამსახურებაა, ხოლო მოდელი შემუშავებულია ასევე ნობელის პრემიის ლაურეატის გ. ბეკერის მიერ და მოცემულია თავის ნიგნიში“ადამიანური კაპიტალი“. ეს ნიგნი გახდა საფუძველი ყველა შემდგომი კვლევისათვის ამ სფეროში. გ. ბეკერმა“ ადამიანური კაპიტალის კონცეფცია“ წარმოადგინა მიკროდონეზე, რომელშიც მან განსაზღვრა, რომ საწარმოს ადამიანური კაპიტალი წარმოადგენს ადამიანური უნარების კრებულს.

ადამიანური კაპიტალის კონცეფცია შეიძლება განვიხილოთ, როგორც ვიწრო, ისე ფართო გაგებით. ვიწრო გაგებით, ადამიანური კაპიტალის ერთ-ერთი ფორმაა განათლება. მას უწოდეს ადამიანური, ვინაიდან ეს ფორმა ხდება ადამიანის ნაწილი, და ეს არის კაპიტალი და მომავალი მოგებისა და კმაყოფილების წყარო, ან ყველა ერთად აღებული. ფართო გაგებით ადამიანური კაპიტალი ფორმირდება ერთ კონკრეტულ პიროვნებაში ინვესტიციების(გრძელვადიანი ინვესტიციების) საშუალებით, ხარჯებით სანარმოოს თანამშრომლების განათლებასა და მომზადებაზე, ჯანმრთელობის დაცვაზე, მიგრაციაზე, აგრეთვე ფასებისა და შემოსავლების შესახებ ინფორმაციის მოძიებაზე. როგორც მთლიანი კაპიტალის ნაწილი, ადამიანური კაპიტალი შეიძლება იყოს, როგორც მისი ელემენტების კომბინაცია, ანუ მას აქვს საკუთარი სტრუქტურა. მრავალი ეკონომისტი ქმნის ადამიანის კაპიტალის სტრუქტურას ხარჯების პრინციპზე დაყრდნობით, რაც ეფუძნება ადამიანურ კაპიტალში ინვესტიციების მრავალფეროვნებას. ასე, მაგალითად ი. ვ. ილინსკიმ გამოყო შემდეგი კომპონენტები-ჯანმრთელობა, კულტურისა და განათლების კაპიტალი. თავის მხრივ ფ. ნოიმანმა დაამატა შემდეგი ელემენტების კომბინაცია ადამიანური კაპიტალის ძირითად კომპონენტებში: კულტურული და ეთნიკური მახასიათებლები, კვალიფიკაცია, ზოგადი და პროფესიული განათლება. ე. ვ. ვანკევიჩმა გამოყო ისეთი კომპონენტები, როგორიცაა განათლება და პროფესიული სწავლება, ჯანმრთელობის მდგომარეობა, მართვის საჭიროებები, მოტივაცია, ღირებულებები. თუ განვიხილავთ ადამიანურ კაპიტალს განზოგადების ხარისხის მიხედვით, მაშინ მის სტრუქტურაში შეგვიძლია განვიხილოთ ისეთი მიდგომები, როგორიცაა ინდივიდუალური, კოლექტიური და სოციალური. ინდივიდუალური და კოლექტიური მიკრო დონეზე განიხილება, როგორც ადამიანთა ჯგუფებისა და ცალკეულ პიროვნებათა ადამიანური კაპიტალი. შემდეგი კრიტერიუმით გაერთიანებული: კომპანიის გუნდი, სოციალურ-კულტურული ჯგუფის წევრები და ა. შ. სოციალური კომპონენტი განიხილება მიკროდონეზე და ის წარმოადგენს საზოგადოების

მიერ დაგროვილი მთელ ადამიანურ კაპიტალს, რომელიც ეროვნული სიმდიდრის ნაწილია, ეკონომიკური ზრდის ფაქტორის ასევე სტრატეგიული რესურსი.

ი. გ. ბიჩენკოვ წამოაყენა ადამიანური კაპიტალის კომპონენტების განსაზღვრის ყველაზე განზოგადებული მიდგომა. მისი აზრით, ადამიანური კაპიტალი შეიძლება დაიყოს ორ ტიპად: - ბიოლოგიური ადამიანური კაპიტალი (მოსახლეობის ჯანმრთელობის დონე), რომელიც თავის მხრივ იყოფა ორ ნაწილად: მემკვიდროებითი და შეძენილი;

- კულტურული ადამიანური კაპიტალი, რომელიც შედგება ადამიანის ენობრივი და კულტურული კომპეტენციისაგან, ხასიათდება ცოდნისა და იდეების (მორალური თვისებების, უნარების, ინტელექტუალური შესაძლებლობების ერთობლიობა) სიმდიდრით. ადამიანური კაპიტალის ეკონომიკის ერთ-ერთ მთავარ რესურსად განსაზღვრით შეიძლება გამოიყოს მისი ძირითადი დამახასიათებელი ნიშნები, რომლებიც განასხვავებს მას კაპიტალის სხვა ტიპებისაგან.

- დროთა განმავლობაში ადამიანური კაპიტალი შეიძლება გაიზარდოს ან შემცირდეს. კაპიტალი შეიძლება გაიზარდოს პიროვნული, ასევე გარე ფაქტორთა ზემოქმედებით, ხოლო შემცირება ხდება ფიზიკური და მორალური მოძველების გამო, ამიტომ შესაძლებელია მისი ამორტიზაცია; ადამიანური კაპიტალის ფუნქციონირება დამოკიდებულია თავად პიროვნებაზე და მის მიერ ამით დაინტერესებაზე;

- ადამიანური კაპიტალი სახელმწიფოს ეკონომიკური ზრდის ერთ-ერთი ყველაზე მნიშვნელოვანი ფაქტორია;

- ადამიანური კაპიტალი ფიზიკური კაპიტალისაგან განსხვავდება ლიკვიდურობის ხარისხის მიხედვით:

- პირდაპირი შემოსავალი, რომელსაც იღებს ადამიანი, კონტროლდება მის მიერ, ინვესტიციის წყაროსაგან დამოუკიდებლად;

- ადამიანურ კაპიტალში ინვესტიციები ახორციელებს გრძელვადიან კაპიტალს, ხოლო პირის მიერ მიღებული შემოსავალი მთლიანად მას ეკუთვნის და ის მას დამოუკიდებლად აკონტ-

როლებს. ასევე არსებობს ადამიანური კაპიტალის ცალკეული ფორმები, რომლებიც ავლენს მის არსს და მთავარ მახასიათებლებს;

- ცოცხალი კაპიტალი (შესაძლებლობების, გამოცდილებისა და უნარების ერთობლიობა, რომელსაც ორგანიზაცია იყენებს);

- არაცოცხალი კაპიტალი (ადამიანის ცოდნა მათი ბუნებრივი გამოხატულებით);

- ინსტიტუციური კაპიტალი (ადმინისტრაციული და მმართველობითი ორგანოები, რომლებიც ეწევიან ადამიანური კაპიტალის ეფექტური გამოყენების განვითარებას).

ამჯერად განვიხილოთ კონცეფცია “ორგანიზაციის ადამიანური კაპიტალი”. ორგანიზაციის „ადამიანური კაპიტალი“ არის ნორმალური საწარმოო პირობებში ფიზიკური და ინტელექტუალური ცოცხალი შრომის წლიური მოცულობის ღირებულება. ორგანიზაციის ადამიანური კაპიტალი შეიძლება წარმოდგენილი იყოს, როგორც გარკვეული სისტემა, რომელიც შედგება შემდეგი ელემენტებისაგან:

- ინტელექტუალური კაპიტალი მოიცავს “ცოდნის კაპიტალს”;

- სტრუქტურული კაპიტალი შედგება კორპორატიული კულტურისაგან, მართვის სისტემისაგან;

- სოციალური კაპიტალი წარმოადგენს სოციალურ კავშირებს და ა. შ. ;

- კლიენტის (საბაზრო) კაპიტალი არის საწარმოსა და მის კლიენტებს შორის ურთიერთსასარგებლო ურთიერთობის სისტემა.

ორგანიზაციის „ადამიანური კაპიტალი“ ასევე შეიძლება განვიხილოთ, როგორც ინვესტიციის განსაკუთრებული ტიპი, ხარისხის ამაღლების, სამუშაო ძალის ფუნქციონირების გაუმჯობესების, სამუშაო ძალის კვლავწარმოების პოტენციალის განვითარების დანახარჯთა ერთობლიობა. ორგანიზაციის “ადამიანური კაპიტალის” შესაფასებლად შესაძლებელია შემდეგი მეთოდების გამოყენება:

- ადამიანური კაპიტალის მიერ შექმნილი ცოდნის, უნარე-

ბის, შესაძლებლობების მარაგის რაოდენობრივი შეფასება;

- განსაკუთრებული უნარები;
- ეკონომიკური შეფასება(ადამიანური კაპიტალით მიღებული შემოსავლის შეფასება);
- ადამიანური კაპიტალის (ჯანმრთელობის კაპიტალი, განათლების კაპიტალი და ეკონომიკური შეფასება)ინვესტიციის გზით შეფასება;
- ადამიანური კაპიტალის შეფასება მიკრო და მაკრო დონეზე;
- ინტეგრალური შეფასება(ადამიანური კაპიტალის ბუნებრივი და ღირებულებითი მაჩვენებლების შეფასება);
- სოციალური ანგარიშების მატრიცა (ადამიანური კაპიტალის მაკროეკონომიკური შეფასება).

ადამიანური კაპიტალის ობიექტია სოციალური და ზოგადი საგანმანათლებლო ხასიათის ცოდნა, დაგროვილი გამოცდილება და უნარები. ადამიანური კაპიტალის საგანია ურთიერთობები, რომლებიც წარმოიქმნება ადამიანური კაპიტალის კვლავწარმოების პროცესში, რაც უზრუნველყოფს კონკურენტუნარიანობის ზრდას. თანამედროვე პირობებში ორგანიზაციის ფუნქციონირების თეორიასა და პრაქტიკაში ერთ-ერთი ყველაზე მნიშვნელოვანი ასპექტია ადამიანური კაპიტალი, რომლის გარეშე ვერცერთი ორგანიზაცია ვერ იარსებებს. ორგანიზაციის ადამიანური კაპიტალი განსაზღვრავს წარმოების ეფექტური გამოყენების შესაძლებლობას, რაც, თავის მხრივ, გავლენას ახდენს საწარმოს კონკურენტუნარიანობასა და ფასზე. საწარმოში ადამიანური კაპიტალის გამოყენება მოითხოვს მართვის ახალ მიდგომებს: ხელმძღვანელობა, მოტივაციის სისტემა, პრიორიტეტები, მართვის სტილი და ა. შ. მოცემული ფაქტორები წარმოადგენს ადამიანურ კაპიტალს, როგორც სოციალურ-ეკონომიკურ პროცესებზე ზემოქმედების საშუალებას. საწარმოს ეკონომიკური საქმიანობის შედეგი დამოკიდებულია ადამიანური კაპიტალის გამოყენების ეფექტურობაზე და მართვაზე. შესაბამისად, საწარმოს წინაშე დგას გარკვეული კითხვა, თუ როგორ უნდა იმართოს ადამიანური კაპიტალი, რათა კვლევის ანალიზის შედეგე-

ბის საფუძველზე მიიღოს ზომები მისი გამოყენების ეფექტურობის გასაუმჯობესებლად. ამასთან, ორგანიზაციის ადამიანური კაპიტალის მართვა შეიძლება დაეფუძნოს თანამშრომელთა მოტივაციის და ორგანიზაციის ეკონომიკური საქმიანობის შედეგების ციკლური ურთიერთდამოკიდებულების მოდელს. ამ მოდელზე დაფუძნებული ადამიანური კაპიტალის მართვის სისტემის ჩამოყალიბება საშუალებას იძლევა, მისი გამოყენების შედეგების საფუძველზე განხორციელდეს ადამიანური კაპიტალის რეალური შეფასება ორგანიზაციის ეკონომიკური ეფექტურობის განსაზღვრისათვის.

ადამიანური რესურსების მართვის მოდელის საფუძველზე პერსონალის მოტივაცია და სტიმულირება მნიშვნელოვან როლს ასრულებს ორგანიზაციის ეფექტურობის ზრდაში. მოტივაციის განხორციელება შემდეგში მდგომარეობს:

- მოთხოვნილებათა შესაბამისი პირობების შექმნა;
- მოთხოვნილი შედეგებისათვის ფულადი ნახალისების შემოღება;
- პერსონალის დარწმუნება დასახული მიზნების მიღწევადობაში;
- ანაზღაურების მაღალი ღირებულის შესახებ შთაბეჭდილების შექმნა თანამშრომლებში.

ადამიანების მოტივირებისათვის სხვადასხვა სტიმულების გამოყენების პროცესს სტიმულირებას უწოდებენ. ნახალისება მნიშვნელოვან როლს თამაშობს ორგანიზაციაში. ის არსებითად განსხვავდება მოტივაციისაგან იმით, რომ სტიმულირება ერთ-ერთი საშუალებაა, რომლის მეშვეობითაც შესაძლებელია მოტივაციის განხორციელება. თანამშრომლების მოტივაცია და ნახალისება მნიშვნელოვან გავლენას ახდენს მათი საქმიანობის ისეთი მნიშვნელოვანი მახასიათებლების განვითარებაზე, როგორიცაა სამუშაოს ხარისხი, ეფექტურობა, შრომის მოყვარეობა, გულმოდგინება, შეუპოვრობა, კეთილსინდისიერება და ა. შ.

მოდით ჩამოვთვალოთ ზოგადი სტიმულები, რომლებიც ხელს უწყობენ ადამიანს უკეთესად მუშაობაში: ფული, პატივისცემა, თვითდაჯერება, ორგანიზაციისადმი კუთვნილების გრძნობა,



სასიამოვნო სამუშაო ატმოსფერო, შექება, მოქნილი სამუშაო გრაფიკი, თვითშემეცნება, კარიერა, ფულადი ნახალისება, ხელმძღვანელობის მიმართ ნდობა, მუშაობისადმი ნდობის გრძნობა, დამსახურების აღიარება. საწარმოს ადამიანური კაპიტალის მართვის მოდელი ეფექტური ხდება, თუ გაითვალისწინებენ ორგანიზაციის მთლიანი შრომითი კოლექტივის და ცალკეული თანამშრომლის მახასიათებლებს. ამ შემთხვევაში კომპანია მიიღებს დადებით ეკონომიკურ ეფექტს შრომის პროდუქტიულობის ზრდის, ხოლო შემდგომში საბოლოო ფინანსური შედეგების ზრდის სახით. ადამიანური კაპიტალის მართვის სისტემის ფორმირების ეფექტურობა დამოკიდებულია მის წვლილზე ორგანიზაციის მიზნების მიღწევაში. ამ სისტემის მიზანია ორგანიზაციის ეფექტურობისა და კონკურენტუნარიანობის მიღწევა. სხვა სიტყვებით რომ ვთქვათ, ადამიანური კაპიტალი არა მხოლოდ მართვის ობიექტია, არამედ კომპანიის განვითარების მნიშვნელოვანი პრობლემის გადაჭრის საშუალებაა, ე. ი. კონტროლის ინსტრუმენტი. ადამიანური კაპიტალის ჩამოყალიბება და განვითარება აუზმჯობესებს მართვის მექანიზმს და საშუალებას იძლევა წარმატებით გადაჭრას სამეცნიერო-ტექნიკური პროგრესის, კონკურენტუნარიანობის გაზრდის, უახლესი თანამედროვე ტექნოლოგიების გამოყენების, აგრეთვე ეფექტურობის და პროდუქტიულობის სხვადასხვა პრობლემა. ადამიანური კაპიტალის მართვის ეფექტურობა ასევე დამოკიდებულია სამუშაო რესურსების მობილობაზე, ანუ ადამიანური კაპიტალის მატარებლებზე. ადამიანური კაპიტალის მობილობა ხელს უწყობს პირადი ხელფასის ზრდას. იმის გამო რომ მუდმივად ხდება მეცნიერებისა და ტექნიკის განახლება, საჭიროა შესაბამისი ცოდნა და გადაწყვეტილების მისაღებად მზადყოფნა, საკუთარი საქმიანობისადმი შემოქმედებითი მიდგომა.

გლობალიზაცია საკმაოდ დიდ გავლენას ახდენს წარმოების პროცესებზე, მოსახლეობის დასაქმების სტრუქტურაზე და მათ გადაადგილებაზე მაღალანაზღურებადი სამუშაოს ძიებაში. იმისათვის რომ სწორად ჩამოვაყალიბოთ ადამიანური კაპიტალი, ორგანიზაციები უნდა დაეყრდნონ სამ ძირითად



პრინციპს, რომლებიც უნდა წარმოადგენდეს ადამიანური კაპიტალის მართვის სტრატეგიის საფუძველს.

1. სამუშაოზე მაღალკვალიფიციური სპეციალისტების მოზიდვა, ან საკუთარი სპეციალისტების გადამზადება საჭირო მიმართულებით;

2. იმისათვის, რომ ხდებოდეს პროფესიული ზრდა და ორგანიზაციაში მუშაკების დამკვიდრება, რომელთაც გააჩნიათ ჯგუფში ეფექტური მუშაობის აუცილებელი უნარები, საჭიროა შეიქმნას მუშაობის სათანადო პირობები;

3. აუცილებელია მთლიანი ადამიანური პოტენციალის მართვის სისტემის სრულყოფა. ადამიანური რესურსების მართვის ერთ-ერთი ყველაზე დიდი უპირატესობა არის ამ მიმართულების ვირტუალიზაცია. ინფორმაციული ტექნოლოგიის მუდმივი ზრდის ფონზე, ორგანიზაციები პოულობენ სამუშაო ძალის მართვის ყველაზე მონინავე მეთოდებს. ორგანიზაციები ადამიანური კაპიტალის მართვაში იყენებენ საუკეთესო პრაქტიკას (დრუბლოვანი მომსახურებები), რაც თავისთავად აუმჯობესებს ორგანიზაციის მუშაობას. საუკეთესო პრაქტიკა მოიცავს სამუშაოს უსაფრთხოებას, უნარ-ჩვევების განვითარებას და სამუშაოზე შერჩევით დაქირავებას. ყოვლისმომცველ ტრენინგებს, ინფორმაციის გაცვლას და ხელფასების ზრდას. საბოლოო ჯამში, ეს ორგანიზაციისათვის ხელსაყრელია.

ადამიანური კაპიტალის მართვა ქმნის ინფორმაციის თავისუფალ ნაკადს ხელმძღვანელებსა და დაქვემდებარებულებს შორის, ანუ უზრუნველყოფს თანამშრომელთა პირადი განვითარების მნიშვნელობას. ადამიანური კაპიტალის სამართავად აუცილებელია გაგვაჩნდეს მისი მახასიათებლების სრული კომპლექტი. ამასთან, უნდა აღინიშნოს, რომ ძალიან რთულია მახასიათებლების ნაკრების სწორად შეფასება. ამ მახასიათებლების მიზანმიმართული შეცვლით შეიძლება ვმართოთ ადამიანური კაპიტალი, ჩამოვაყალიბოთ და შევცვალოთ მათი ხარისხი. ამ შემთხვევაში ის მოქმედებს როგორც ობიექტი, მაგრამ ასევე წარმოადგენს დასახული მიზნების მისაღწევ, ანუ მართვის მექანიზმის ელემენტს.

ამრიგად, ადამიანური კაპიტალი წამყვან ადგილს იკავებს ორგანიზაციის კონკურენტული უპირატესობებში და ეს ნიშნავს, რომ პერსონალის ანალიზი და შეფასება არის ყველაზე მნიშვნელოვანი პირობა ნებისმიერი ორგანიზაციის წარმატებული ხელმძღვანელობისათვის. პერსონალში ინვესტიციის გარეშე სარგებლის მიღწევა შეუძლებელია.

### **გამოყენებული ლიტერატურა:**

1. არჩვაძე ი. , ადამიანური კაპიტალი, როგორც ეროვნული სიმდიდრის უმნიშვნელოვანესი კომპონენტი (საქართველოს მაგალითზე), "ეკონომიკა" №5, 2006;
2. Shultz T. Investment in Human Capital, -N. Y. ;London 1971 p. -26-28;
3. Беккер Г. , Человеческий капитал/США: экономика, политика, идеология, 1993№11, URL <http://www.libertarium.ru/69974> (дата обращения: 01. 06. 2009). ;
4. Быченков Ю. Г Развитие человеческого капитала в современном обществе Вестник Саратовского государственного социал-экономического университета 2013. №3. стр133-138.
5. Нойманн Ф. Методика экономической оценки человеческого капитала Государственное управление трансформационных процессы в современном мире. Тезисы докладов международной научно-практической конференции Беларусь 2015стр. 98.
6. Ильинский И, В Инвестиции в будущее; образование в инновационном воспроизводстве-СПБ;Изд СПбУЭФ, 1996 стр. 30
7. Ванкевич Е. В, Коробова Е. Н, Зайцева. Е. А, Алексеева О. В, Управление человеческими ресурсами современной организации: теория и практика: монография УО«ВГТУ»2020.

### **REFERENCES:**

1. Archvadze I. , Human Capital as the Most Important Component of National Wealth (on the Georgia), "Economy" #5, 2006;
2. Shultz T. Investment in Human Capital, -N. Y. ;London 1971 p. -26-28;

3. Becker G, Human Capital/USA:economics, politics, ideology, 1993#11, URL <http://www.libertarium.ru/69974>(date of acces:01.06 2009)

4. Bychenko Yu. G. , Development of human capital in modern society Bulletin of the Saratov State Social-Economic University 2013. №3. str133-138. 2.

5. Neumann F. Methods of economic assessment of human capital State management of transformation processes in the modern world. Abstracts of the international scientific-practical conference Belarus 2015p. 98.

6. Ilyinsky I, In Investments in the Future; education in innovative reproduction-SPB; Publishing house SPBUEF, 1996 p. 30

7. Vankevich E. V. , Korobova E. N. , Zaitseva. E. A. , Alekseeva O. V. , Human resource management of a modern organization: theory and practice: monograph of the UO “VSTU” 2020.

## **THE ESSENCE AND ROLE OF HUMAN CAPITAL IN INCREASING PRODUCTION EFFICIENCY**

**Nato Chikviladze,**  
GTU Professor  
[n.chikviladze@gtu.ge](mailto:n.chikviladze@gtu.ge)

### **RESUME**

The article discusses the origin of the concept of “human capital”. In the economic and social sciences, the first place is always occupied by human capital, whose creative qualities, abilities, strengths can improve one’s personality and the world around it. But the development of the material and technical base of accelerated production overshadowed the problems of human development and its productivity capabilities. As a result of all this, for many years the capabilities of the producer were considered as one of the quan-

titative factors of production. At the same time the main task was only a qualitative combination of labor, working capital and fixed assets. The idea of human capital has long been rooted in the history of economic thought. One of his formulations can be found in William Pete's "Political Arithmetic", which was later reflected in Adam Smith's "Studies on the Nature and Causes of People's Wealth", in the Principles of Economics by Alfred Marshall and many other scholars. The theory of human capital was developed at the turn of the 50s and 60s of the 20th century. The paper analyzes the structural elements of human capital from the point of view of various authors. The author has studied the characteristics of human capital that distinguish it from other capital. The characteristics of the human capital of the organization were examined, the evaluation methods were determined, the role of human capital in the improvement of the efficiency of the organization was determined. It has been found that the effectiveness of human capital management depends on the mobility of working resources. As a result of the research, the author presented a model of human capital management of the organization.

**Keywords:** human capital, organization, efficiency, formation, management, system.